

БӨЛІМ: АШЫҚ САБАҚТАР

«Жайнай берсін, Астана!»

ЖАРИЯЛАНДЫ
20.01.2020СІЛТЕМЕ
<https://bilimger.kz/67318/>

Алматы қаласы

Жетісу ауданы

КММ«№103 санаториялық

бөбекжай-балабақшасы»

Такибаева Жанар Арыновна

тәрбиеші

Тақырыбы: «Жайнай берсін, Астана!»**Мақсаты:** Балаларға еліміздің бас қаласы — Астана туралы мәлімет беру.

— Баланың ізгілік қасиетін дамыту. Ойын арқылы балалардың ой — өрісін, қимылын ұштау.

— Отанға, туған жерге деген сүйіспеншілігін арттыру, өз елінің отанын сүйетін патриот болуға тәрбиелеу.

Көрнекілігі: Қ. Р — ның рәміздері, Астана қаласының ғимараттары.**Әдісі:** Әңгімелесу, сұрақ — жауап.**Жүргізуші:** Қайырлы таң, балалар!

Қайырлы таң, қонақтар!

— Сіздерді салтанатты мереке Астана күнімен құттықтаймыз!

Жылулық шеңбері: Ал, енді балалар бәріміз бір — бірімізбен сәлемдесіп алайық.

Амансың ба, Алтын күн!

Амансың ба, Жер ана!

Амансың ба, Астана!

Келдік саған қуана!

— Балалар, енді бүгінгі күнімізге сәттілік тілей отырып, жылы лебіздер айтайық.

Деніміз сау болсын!

Күніміз күлімдесін!

Еліміз аман болсын!

Ата — анамыз қасымызда болсын!

Бәріміз дос болайық!

Бәріміз бақытты болайық!

Аспанымыз ашық болсын!

Әнұран орындалады.

— Кәне, балалар отырайық. Біз бүгін Отан туралы әңгімелесеміз. Балалар Отан деген сөзді қалай түсінеміз?

Балалар: туған жерім, атамекенім, отбасым, халқым.

— Дұрыс балалар, Отан дегеніміз біздің еліміз, туған үйлеріміз, өзіміз туып өскен жеріміз.

— Біздің Отанымыз — Қазақстан. Қазақстанды Отанымыз дейтін себебіміз, бұл жерде ата — бабаларымыз тұрған, енді сол жерде біз тұрамыз. Адал адам Отанын сүйеді. Адам жүрексіз өмір сүре алмайтыны сияқты, Отансыз да өмір сүре алмайды. Біздің мемлекетіміз Қазақстан Республикасы, ұлтымыз — қазақ.

— Балалар, Қазақстан Республикасының президенті кім?

— Қасым-Жомарт Кемелұлы Тоқаев.

— Біз қай мемлекетте тұрамыз?

— Қазақстан Республикасы

— Қазақстан Республикасының мемлекеттік тілі қандай?

— Қазақ тілі

— Қазақстан көп ұлтты мемлекет. Қазақстанда әртүрлі ұлт өкілдері тұрады? Соның ішінде қандай ұлт өкілдерін білесіңдер?

— Орыс, өзбек, түрік, қытай.

— Мемлекеттік рәміздерімізді кім атап береді?

— Әнұран, ту, елтаңба.

— Ел ордамыз қай қала?

— Астана.

— Балалар, бүгін бас қаламыз — Астананың туған күні!

Тақтада ілулі тұрған суреттермен таныстыру.

Балалар, мынау Қазақстанның бас ордасы — Астана. Ол жаңадан бой көтеріп келе жатқан жас қала. Ал мынау — Ақорда үйі. онда біздің елімізді басқаратын президент Нұрсұлтан Әбішұлы Назарбаев отырады. Мынау — Бәйтерек. Ол өте биік, оның биіктігі 105метр. Мұнараның жоғары жағында шыныдан жасалған алтын шар бар. Мұнараның жоғарғы жағына көтерілсек, Астана қаласы толығымен көрініп тұрады.

— Астана күні мерекесіне арналған «Құлыншақ» тобының тақпақтарын тыңдайық.

Севара: Алтын заңның аясында,

Құлпырамыз бәріміз.

Отан ана аясында,

Жарқыраймыз күн болып.

Нурали: Қадамың бар баспаған,

Асуың бар аспаған.

Халқым жетсін мұратқа,

Ей, бас қалам — Астанам.

Фатима: Шырқап көкке аспан ән,

Болашаққа бас қадам.
Қазақ рухын биіктет,
Ей, бас қалам — Астанам.

Жания: Отан тарих, Отан — тіл,
Жасаған елім өз халқым.
Асылым: Көк байрағы бабамның,
Бүгінгі ұрпақ алауы.
Тірегі әке баланың,
Қазақстан жалауы.

Жалғас: Желбірейді шалықтап,
Қазақстан жалауы.
Көкте қыран қалықтап,
Қанат қағып барады.
— Өте жақсы, балалар!
— Келесі кезекті «Кұлыншақ» тобының биші қыздарына береміз.

— Өте жақсы, балалар! Енді балалар орнымыздан тұрып, **сергіту** жаттығуын жасайық.

Аспанға қарап ай көрдім,
Төменге қарап жер көрдім.
Оңға, солға бұрылып,
Егеменді ел көрдім..

Ерсултан: Астана — арман қала,

Бағы бар жанған қала
Тұрады ол жап — жас болып,
Мен үлкен болғанда да.

Алибек: Жаса — жаса Астанам,
Өркен жая бастаған.
Болашақтың есігін,
Өз қолыңмен аш маған.

Ал енді сіздермен ойын ойнайық балалар. **Қазақтың ұлттық ойндары «Орамал тарту»**

Өлен «Отан» Балаларға байтеректің суретін бояту.

— Балаларды мадақтау. Қонақтармен қоштасу.

— Сау болыңыздар!

ҚМ АА Күәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.